

**ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE DESENVOLVEMENTO URBANO O DÍA 24 DE XULLO DE 2019 ÁS 14:00 HORAS.**

Sendo as catorce horas (14.00) do día 24 de xullo de 2019, reúnese en sesión ordinaria convocada ao efecto a Comisión Informativa Permanente de Desenvolvemento Urbano, coa asistencia das/os concelleiras/os que de seguido se indican.

**Concelleiras/os asistentes:**

<b>Grupo municipal Socialista</b>	José Manuel Miñones Conde
	Beatriz Martínez Domínguez
	José Blas García Piñeiro
<b>Grupo municipal Popular</b>	Maria Oliva Agra Costoya
	Maria Dolores Fernández Álvarez
<b>Grupo municipal BNG</b>	David Santomil Mosquera
<b>Grupo municipal Contigo Podemos</b>	Genma Otero Uhía
<b>Grupo municipal Mixto</b>	Enrique Costas Bastero
	Jose Ramón Oulego Erroz

Actúa como **presidente**, José Manuel Miñones Conde e como **secretaria**, Rosa Ana Prada Queipo .

Toma a palabra o señor alcalde, **José Manuel Miñones Conde**, para expoñer que mediante escrito da Alcaldía de data 3 de xullo de 2019 foi solicitado de cada grupo municipal a designación dos seus representantes nas comisións, en atención á composición aprobada en sesión plenaria de organización do 2 de xullo.

Que todos os grupos municipais designaron os seus representantes coa excepción do grupo mixto. Os representantes do grupo mixto expoñen a súa pretensión de asistir ambos a todas as comisións ao que o alcalde resposta que non é posible. Como sinal de protesta ambos concelleiros do grupo mixto, Enrique Costas Bastero e José Ramón Oulego Erroz, abandonan a comisión solicitando que conste en acta o seguinte:

*Pido que conste en acta que, ao meu xuízo, a nosa exclusión da comisión supón unha conculcación dos dereitos de participación e representación políticas recoñecidos no artigo 23.1 e 23.2 da Constitución Española, toda vez que o Tribunal Constitucional estableceu que a participación nas Comisións, así como nas Xuntas de Voceiros forman parte do núcleo de funcións inherentes á representación que exercemos os concelleiros. A aplicación que se está facendo da normativa conculca este principio e a propia norma, xa que se nos están negando dereitos que si se nos recoñecerían se fôsemos concelleiros non adscritos, precisamente, porque ese dereito a participar nestes órganos foi taxativamente establecido en sentenzas do Tribunal Constitucional, a pesar de que a Lei de Bases de Réxime Local establece que os dereitos políticos dun concelleiro non adscrito non poden ser maiores que*

*os de quen está integrado nun grupo. Sen embargo, se produce o paradoxo de que, de pasarme á situación de non adscrito, adquiriría dereitos políticos que agora se me negan.*

### **ORDE DO DÍA:**

#### **Punto Primeiro.- Toma de coñecemento da composición da Comisión Informativa permanente de Desenvolvemento Urbano.**

En sesión plenaria de organización da Corporación local que tivo lugar o día 2 de xullo de 2019 acordouse que á Comisión Informativa Permanente de Desenvolvemento Urbano tería a seguinte composición

Presidente: alcalde.

3 representantes do grupo municipal socialista ( incluído o presidente)

2 representantes do grupo municipal popular

1 representante do grupo municipal BNG

1 representante do grupo municipal Contigo Podemos

1 representante do grupo mixto

Os grupos municipais socialista, popular, BNG e Contigo Podemos designaron os seus representantes, quedando pendente que o grupo mixto designe o seu representante.

Polo tanto a día de hoxe a composición da Comisión Informativa Permanente de Desenvolvemento Urbano é a seguinte:

**Presidente:** José Manuel Miñones Conde.

**3 representantes do grupo municipal socialista ( incluído o presidente):** José Manuel Miñones Conde, Beatriz Martínez Domínguez e José Blas García Piñeiro

**2 representantes do grupo municipal popular:** Francisco Javier Olmo Olmo e Ramón García Argibay

**1 representante do grupo municipal BNG:** David Santomil Mosquera

**1 representante do grupo municipal Contigo Podemos;** Vanessa Vidal Freire

**1 representante do grupo mixto:** Pendente de designar.

#### **Punto Segundo.- Aprobación do proxecto técnico de mellora de infraestruturas viarias de acceso e interiores do parque empresarial coa mellora do vial de acceso ao polígono do Milladoiro dende a estrada de Ventín-Coira.**

Tras un breve cambio de impresións o asunto é ditaminado favorablemente por maioría absoluta cos votos a favor de José Manuel Miñones Conde, Beatriz Martínez Domínguez, José Blas García Piñeiro, David Santomil Mosquera, Genma Otero Uhía e a abstención de María Oliva Agra Costoya e María Dolores Fernández Álvarez

E non habendo mais asuntos de que tratar o señor presidente da por rematada a sesión ás catorce horas e dez minutos do día de referencia de todo o que eu, como secretaria, certifico.

Vº e prace

O presidente

A secretaria

José Manuel Miñones Conde

Rosa Ana Prada Queipo